

Útkomið í A-deild Stjórnartíðindanna 1946.

Lög um breyting á lögum nr. 91 30. nóv. 1945, um innflutning og gjaldeyris-meðferð, undirskrifuð af forsetanum 30. nóvember 1946, nr. 88.

Lög um viðauka við lög nr. 50 7. maí 1946, um almannatryggingar, undirskrifuð af forsetanum 6. desember 1946, nr. 89.

Lög um breyting á lögum nr. 98 9. júlí 1941, um heimild fyrir ríkisstjórnina til ráðstafana og tekjuöflunar vegna dýrtíðar og erfiðleika atvinnuveganna, undirskrifuð af forsetanum 17. desember 1946, nr. 90.

Lög um heimild fyrir ríkisstjórnina til að innheimta skemmtanaskatt með viðauka árið 1947, undirskrifuð af forsetanum sama dag, nr. 92.

Auglýsing um að Ísland hafi gengið að sáttmála hinna sameinuðu þjóða, undirskrifuð af utanríkisráðherra 9. desember 1946, nr. 91.

Lög um bráðabirgðafjárgreiðslur á árinu 1947, undirskrifuð af forsetanum 28. desember 1946, nr. 93.

Lög um heimild fyrir ríkisstjórnina til að innheimta ýmis gjöld 1947 með viðauka, undirskrifuð af forsetanum sama dag, nr. 94.

Lög um, að ákvæði samnings frá 7. október 1946 við Bandaríki Ameríku, er varða aðflutningsgjöld o. fl., skuli öðlast gildi, undirskrifuð af forsetanum sama dag, nr. 95.

Lög um skatt- og útsvarsgreiðslu útlendinga o. fl., undirskrifuð af forsetanum sama dag, nr. 96.

Lög um ríkisábyrgð vegna bátaúteigsins o. fl., undirskrifuð af forsetanum sama dag, nr. 97.

Bréf menntamálaráðuneytisins til rektors Menntaskólans í Reykjavík og skólameistara Menntaskólans á Akureyri, um stúdentspróf í áföngum.

144

5. des.

Hér með er yður tjáð, herra rektor (skólameistari), að ráðuneytið hefur ákveðið, að sérhver starfandi kennari skuli eiga rétt á að taka stúdentspróf í áföngum með þeim skilyrðum, er hér greinir:

1. Hann skal hafa lokið almennu kennaraprófi við Kennaraskóla Íslands með I. einkunn.
2. Hann skal hafa lesið sama námsefni og krafizt er til stúdentsprófs í menntaskólunum. Þó skal hann undanþeginn prófi í trúarbrögðum, teikningu og leikfimi, og skulu einkunnir hans frá kennaraprófi í þeim greinum færðar á stúdentsprófsskirteini hans.
3. Hann skal hafa sent forstöðumanni hlutaðeigandi menntaskóla umsókn um leyfi til próftöku fyrir 1. febrúar það ár, sem hann ætlar að taka fyrsta prófið, ásamt greinargerð um það, hvornig hann hyggst að skipta námsgreinunum milli áfanga, sbr. þó 4. lið.
4. Hann skal ljúka prófi á eigi lengri tíma en 4 árum. Skyllt er honum að ljúka prófi í íslenzku og latínu í máladeild eða íslenzku og stærðfræði í stærðfræðideild eigi síðar en í öðrum áfanga. Að öðru leyti skiptast prófgreinar milli áfanga í samráði við forstöðumann hlutaðeigandi menntaskóla.

- 144 5. Til þess að standast stúdentspróf í áföngum, skal nemandinn hafa hlotið fyrstu
5. des. einkunn að meðaltali.
6. Nú lýkur nemandinn ekki stúdentsprófi í öllum greinum, og á hann þá rétt á að fá vottorð, er sýni einkunnir í þeim greinum, sem hann hefur lokið prófi í.
7. Að öðru leyti fer um próf þetta eftir sömu reglum og gilda um stúdentspróf utan-skólanemenda.

Þetta tilkynnist yður hér með.

REGLUGERÐ

- 145 um einkennibúninga héraðsdómara, hreppstjóra, tollgæzlumanna og bifreiða-
11. okt. eftirlitsmanna og sérstakra löggæzlumanna.

I. KAFLI

Um gerð starfsbúninga.

A. Einkennibúningar þessara embættis- og starfsmanna við dagleg störf þeirra skulu vera að gerð og sniði sem hér segir, nema þar sem reglur þessar mæla sérstaklega fyrir á annan veg:

1. Húfa úr þykku klæðisefni með 5 cm breiðri uppstandandi gjörð, 5 cm breiðri reisu, kringlóttum, breiðum, flötum kalli, gljáleðursskyggni og hökuól, er fest sé á gjörðina með tveim litlum einkennishnöppum.
2. Jakki úr kamgarns- eða klæðisefni, tvíhnepptur með venjulegum kraga, tveim hliðarvösum og einum brjóstvasa. Á jakkanum skulu vera tvær raðir stórra, gylltra einkennishnappa, fjórir í hvorri röð og skal jakkinn hnepptur á þrjá þeirra. Á ermum skulu vera minni einkennishnappar, þrjár á hvorri.
3. Vesti úr sama efni með fjórum vösum, hneppt með einfaldri röð hinna minni einkennishnappa (6—7 að tölu).
4. Buxur úr sama efni, síðar, án uppbrota, með fjórum vösum.
5. Frakki úr frakkaklæði, tvíhnepptur, síður á miðjan legg með tveim vösum, venjulegum kraga, og séu hornin þannig gerð að hneppa megi frakkanum upp í háls. Að framan skal vera tvöföld röð stórra, gylltra einkennishnappa, fimm í hvorri röð, hinn efsti undir kragahorni. Á baki skulu vera tvær fellingar teknar saman með spæl, og á spælnum tveir stórir einkennishnappar. Í klauf að aftan skulu vera þrjár litlir einkennishnappar. Á ermum skulu vera litlir einkennishnappar, þrjár á hvorri.

Einkennibúningar þessir skulu vera dökkbláir, nema búningar bifreiðaeftirlitsmanna og sérstakra löggæzlumanna, er skulu vera brúnir (khakilitaðir).

B. Einkennibúningar hinna einstöku embættis- og starfsmanna skulu vera með þessum sérstöku einkennum og afbrigðum:

1. Sýslumenn, bæjarfógetar og hliðstæðir embættismenn í Reykjavík:
 - a. Hnappar.

Gylltir með skjaldarmerki Íslands.

- b. Húfa.

Reisu húfunnar skal vera 6.5 cm og skal kollinum halla aftur og til hliða. Á gjörð skal vera 4 cm breiður gylltur borði og á honum að framan ofið hringmerki (kokarde) í íslenskum fánalítum. Á reisu að framan skal vera skjaldarmerki Íslands 4 cm hátt, útsaumað í réttum litum á hringmynduðum grunni úr bláu klæði 5 cm í þvermál, bryddum með mjórri gylltri snúru.